



15 OKTOBER 2021

EREDIENSTE

SONDAG 17 OKTOBER

Die oggenddiens word in die kerk aangebied en 750 persone word tot die erediens toegelaat. **Geen besprekings is nodig nie.** Kyk aanlyn deur www.stellenberg.co.za of die gemeente se YouTube-kanaal.

KWARTAALTEMA: Hoop in die hooploosheid (Daniël)

SKRIFGEDEELTE EN TEMA VIR DIE OGGENDDIENS

Daniël 1:1-21 | Hoop is 'n keuse

Oggenddiens 08:30 in die kerk en aanlyn | Ds. Potgieter (Span 1)

Meditatiewe diens 09:00 in die kapel en aanlyn | Ds. Dietmann

Familiediens 09:30 in die kerk en aanlyn | Ds. Visagie (Span 7)

Relevantdiens 18:00 in die kerk en aanlyn | Ds. Ackerman

GEE ASSEBLIEF JOU MENING

Ons wil graag bepaal hoe lidmate die gemeente se funksionering tydens die Covid-19-pandemie beleef het, asook die invloed wat die inperkings-maatreëls op lidmate se persoonlike geloofslewe gehad het. Die vraelys is per e-pos aan lidmate wat die bulletin elektronies ontvang, uitgestuur en dit is ook op www.stellenberg.co.za beskikbaar vir diegene wat die vraelys elektronies wil voltooi. Gedrukte kopieë is Sondae in die voorportaal van die kerk beskikbaar. Voltooi dit asb. en laat dit op die tafels in die voorportaal, of handig dit by die kerkkantoor

BUITELUG-FEESDIENS 31 OKTOBER 2021

Die buitelug-feesdiens word ter viering van die gemeente se vyftigste bestaansjaar op Sondag 31 Oktober om 08:30 aangebied. Daar sal nie 'n familie- of meditatiewe diens op dié Sondag wees nie. Genoeg stoele sal uitepak word en geen besprekings is nodig nie. Na afloop van die erediens sal ons saam tee en 'n soetigheid geniet.

KONTAK ONS

021 976 4519

081 045 2428

navrae@stellenberg.co.za

www.stellenberg.co.za

NUWE LERAAR IS

BEROEP

Ds. Johan Visser, tans leraar by die Woodlands Hill Gemeenskapskerk, Bloemfontein, is beroep as nuwe leraar van die gemeente. Hy sal vanaf 1 Februarie 2022 in die gemeente werksaam wees.

GEBEDSVERSOEKE

Gebedsversoeke kan aan ds. René Potgieter by 079 893 8104 gestuur word.



ANNIBRAND JUNIOR

Kategese

Van 17 Oktober tot 7 November om 10:15 tot 11:00 word die junior kategese in een van die feesmarktentent, na afloop van die familiediens, aangebied. Vanaf 14 tot 21 November is die junior kategese weer terug in die kleinsaal.

'n Dagkamp vir Annibrand Junior

Kategese word met 'n dagkamp op Sondag 5 Desember afgesluit. Ons het 'n pragtige kampterrein, met netjiese fasiliteite en hope veilige speelplek vir die kinders, net buite Durbanville ontdek. Kom sluit die jaar speel-speel en op 'n positiewe noot saam met ons af.

VROUE-BYBELSTUDIE

Vir die duur van die feesmark (18 Oktober tot 8 November) word die Vrouebybelstudie Maandae om 10:00 in die kapel aangebied. Op Maandag 1 November is daar egter geen Bybelstudie nie, aangesien dit 'n openbare vakansiedag is.

BOUWERK AAN DIE KOFFIEWINKEL

Die bouwerk aan die koffiewinkel begin op Maandag 8 November. Die kerkkantoor sal vanaf **8 tot 19 November gesluit** wees en open weer op Maandag 22 November.

Coffee and Crumbs open DV in Maart 2022.

Eredienste in die kerk, kapel en aanlyn, asook kategese gaan soos voorheen voort en word nie deur die bouproses geraak nie.

MET LEEDWESE

- Johannes Philippus (Bones) Beneke (08/04/1937- 06/10/2021). Hy was sedert 1990 'n lidmaat van die gemeente. Geen gedenkdienste word aangebied nie.
- Johanna Katherina (Joey) Theron (03/05/1929 - 09/10/2021). Sy was sedert 2002 'n lidmaat van die gemeente. Gedenkdienste: Vrydag 15 Oktober om 11:00 in die kerk.

STELLENBERG ONDERSTEUNING- SENTRUM

SOS bied berading en mediasiedienste deur professionele persone aan. Spraak- en arbeidsterapeute, 'n besigheids- en lewensafrieter, asook 'n musiekterapeut se dienste word aangebied. Maak gerus 'n afspraak by 021 976 8029 (09:00 tot 13:00) of stuur 'n e-pos na sos@stellenberg.co.za.

Na-ure skakel

083 519 0602.

BREIGROEP

Die breigroep kom op Maandag 1 November om 10:00 bymekaar om saam koffie/tee by die feesmark te geniet. Jy kan dié Maandag jou breiwerk gerus tuis los, ons gaan net saam kuier. Navrae: Ria McMicken 083 519 0602.

FEESMARK | 18 OKTOBER TOT 6 NOVEMBER

- 250 uitstallers.
- Weeksdag 10:00 tot 20:00 en Saterdag 09:00 tot 18:00.
- Vier kostrokke met verskeie interessante maaltye.
- Krediet-, debiet en Kaapse Verbruikerskaarte word aanvaar.
- Baie sitplek is buite onder afdakke beskikbaar.
- Ingang na die mark begin by die kerk se ingang (die dubbeldeure voor die trappe).

Ondersteun asseblief hierdie groot fondsinsamelingsprojek van die gemeente. Ons het groot waardering vir lidmate se verdraagsaamheid rakende veranderinge op die kerkterrein. Die feesmark het die gemeente oor die jare heen in staat gestel om 'n derde van ons gemeente-inkomste na buite aan te wend en sodoende ook ons roeping uit te leef.

FLESSE VOL LEKKERS

Ons samel vanjaar weer glasflesse of lugdigte houers vol lekkers, vir minderbevoorregte kinders en gesinne in. Besorg op dié wyse 'n tikkie Kersvreugde in iemand anders se lewe. Bydraes kan tot 5 November by die kerkkantoor afgegee word, of op Sondag 31 Oktober na die buitelug-feesdiens gebring word.

FLESSE VOL HOOP

Ons wil graag oor die Kersgety glasflesse, gevul met droë bestanddele, aan minderbevoorregte gesinne skenk. Die volgende bydraes word vir die projek benodig:

- Leë glaskoffieflesse (enige soort). Ons doen ook 'n beroep op besighede om leë glaskoffieflesse in te samel en te skenk.
- Rys, droë-sopmengsel, lensies, pakkies sopoeier en aftrekselblokkies. Die droë bestanddele kan in die oorspronklike verpakking afgegee word. Die projekspan sal dit self in die koffieflesse verpak.

Bydraes moet asseblief voor 22 Oktober by die kerkkantoor afgegee word.

EDELWEISS

BYBELSTUDIE

Donderdag 21 Oktober
om 14:30

Jeremia 10: Die Here
is heeltemal anders.

NAGMAAL

Sondag 31 Oktober
17:00 in die versorgingseenheid

17:30 in die eetsaal

DAAGLIKSE

STEMBOODSKAPPE

DEUR LERAARS

Luister na die daaglikse stemboodskappe, voorberei deur gemeenteleraars op www.stellenberg.co.za of op jou selfoon. Om die boodskappe daaglik op jou selfoon te ontvang, stuur 'n WhatsApp of 'n Telegramboodskap met jou naam+van+boodskap na 081 045 2428.


TIENDEMAANDINSAMELING EN FINANSIES

In November vind die gebruiklike tiendemaandinsameling plaas. In die gees van DANKBAARHEID gee ons soos in die Ou Testamentiese tye 'n tiende terug aan die Here, omdat alles wat ons ontvang, as 'n gawe uit sy hand beskou word. Stellenberg streef ook daarna om 'n derde van ons inkomste na buite aan te wend.

Dankie vir jou bydae oor die jare heen. By die buitelig-feesdiens sal elke lidmaat 'n klein **slutelhouer** ontvang ter herinnering aan sy of haar se persoonlike aandeel om gestalte aan die kerk van die Here te gee.

Die onderstaande tabel bied 'n opsomming van die gemeente se begroting vir die boekjaar van 2021 tot 2022.

- Die totale begroting beloop **R8 758 000**.
- Dankoffers (maandelikse dankoffers, Sondagbydraes en die tiendemaandinsameling) vorm die grootste deel van die inkomste en beloop R7,2 miljoen. Daarom is die tiendemaandinsameling van groot belang. Maandelikse dankoffers beloop R520 000 per maand.
- Inperkingsmaatreëls het tot gevolg dat die feesmark verklein moet word en die aanpassing van die begrote inkomste, R2.2 miljoen (2019) tot R750 000 (2021), het 'n groot invloed op die begroting.



2 Kor 9:10. God wat saad verskaf om te saai en brood om te eet, sal ook aan julle saad gee en dit laat groei en julle vrygewigheid 'n ryk oes laat oplewer.

GEMEENTE-SELFOON

Die gemeente se selffoonnommer is 081 045 2428.

Navrae kan per WhatsApp of Telegram-boodskap na dié nommer gestuur word.

ELEKTRONIESE NUUS

Ontvang elektroniese nuus soos die weeklikse bulletin en maandelikse Stellenberger asook die skakel na die aanlyn eredienste weekliks per e-pos deur jou e-posadres na sanel@stellenberg.co.za te stuur.

BANKBESONDERHEDE

NG Kerk Stellenberg
ABSA-tjekrekening
145 058 0011,
takkode 632005.

SNAPSCAN

